

Broj: 05-02-21-2/08
Sarajevo, 30.01.2008. godine

UDRUŽENJE POSLODAVACA KOMUNALNE PRIVREDE FBiH
71 000 Sarajevo, ul. Jadranska b.b.

**PREDMET: Plaćanje vodnih naknada – Instrukcija za primjenu odredbi
Zakona o vodama i Pravilnika o načinu obračunavanja, postupku i
rokovima za obračunavanje i plaćanje i kontroli izmirivanja obaveza na
osnovu opće vodne naknade i posebnih vodnih naknada**

Federalnom ministarstvu poljoprivrede, vodoprivrede i šumarstva, kao resornom ministarstvu, obratila su se direktno ili putem Udruženja poslodavaca komunalne privrede FBiH sljedeća komunalna preduzeća

1. KJKP "Vodovod i kanalizacija" d.o.o. Sarajevo, akt broj 4/08 od 14.01.2008. godine,
2. "Vodovod" društvo za vodovod i kanalizaciju d.o.o. Mostar, akt broj IV-64/08 od 15.01.2008. godine,
3. Javno poduzeće "Komunalno" d.o.o. Žepče, akt broj 13/08 od 09.01.2008. godine,
4. JKP "Vodovod i kanalizacija" Tuzla, akt broj 199/08 od 25.01.2008. godine,
5. JKP "VIS" d.o.o. Doboj Jug, broj 01-15-43-1/08 od 28.01.2008. godine i
6. KP "Rad" Tešanj, akt broj 272/08 od 25.01.2008. godine

sa upitom za pojašnjenje primjene i tereženjem tumačenja odredbi Zakona o vodama ("Službene novine Federacije BiH", broj 70/06) i Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada ("Službene novine Federacije BiH", broj: 92/07).

Istovremeno je pitanje načina obračunavanja i plaćanja vodnih naknada po Zakonu o vodama i Pravilniku razmatralo Udruženje poslodavaca komunalne privrede u FBiH na sastancima održanim u Sarajevu 24. i 29.01.2008. godine, na kojima su učestvovali i predstavnici ovog Ministarstva i Agencija za vode.

Na sastanku održanom 29.01.2008. godine zaključeno je da Federalno ministarstvo poljoprivrede, vodoprivrede i šumarstva zvanično odgovori na postavljena pitanja u vidu tumačenja za primjenu odredbi predmetnih propisa kod obračunavanja i plaćanja obaveza komunalnih preduzeća po osnovu vodnih naknada i isto dostavi Udruženju poslodavaca komunalne privrede FBiH koje će oni proslijediti podnosiocima upita i drugim komunalnim preduzećima.

Na osnovu naprijed navedenog, a u skladu sa ovlaštenjima iz člana 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) Federalno ministarstvo poljoprivrede, vodoprivrede i šumarstva, u ulozi resornog ministarstva, daje sljedeću

I N S T R U K C I J U

1. Posebnu vodnu naknadu za korištenje površinskih i podzemnih voda za javno vodosnabijevanje, shodno odredbama člana 170. stav 1. tačka 1. alineja 1. i stava 2. Zakona o vodama i odredbama tačke 4. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada, obračunava i plaća javno komunalno preduzeće – operator vodovodnog sistema na osnovu ukupnih količina zahvaćene vode, s tim što u svojim računima za isporučenu vodu koje ispostavlja krajnjim korisnicima, kao odvojenu stavku, iskazuje obračun ove naknade. Troškove ove naknade za količine vode koje iskoristi za vlastite potrebe i gubitke vode iz vodovodnog sistema snosi javno komunalno preduzeće – operator vodovodnog sistema.
2. Posebnu vodnu naknadu za zaštitu voda za ispuštanje otpadnih voda naselja u površinske i/ili podzemne vode, shodno odredbama člana 170. stav 1. tačka 3. alineja 2. i stava 2. Zakona o vodama i odredbama tačke 12. stav 1. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada, obračunava i plaća javno komunalno preduzeće – operator kanalizacionog sistema za sve korisnike priključene na kanalizacioni sistem, prema odredbi člana 110. stav 3. Zakona o vodama, osim za direktne obveznike plaćanja ove naknade koji su priključeni na kanalizacioni sistem, koji podliježu obavezi pribavljanja okolinske dozvole u smislu odredbi Zakona o zaštiti okoliša ("Službene novine Federacije BiH", broj 33/03). U svojim računima koje ispostavlja krajnjim korisnicima kanalizacionog sistema javno komunalno preduzeće – operator kanalizacionog sistema kao odvojenu stavku iskazuje obračun ove naknade.
3. Prema odredbama člana 170. stav 2. a u vezi sa članom 109. stav 1. tač. 2. i 3. Zakona o vodama sva pravna i fizička lica kojima javno komunalno preduzeće – operator vodovodnog sistema isporučuje vodu, a koji nisu priključeni na kanalizacioni sistem su direktni obveznici plaćanja posebne vodne naknade za zaštitu voda za ispuštanje otpadnih voda u površinske i/ili podzemne vode. Način prikupljanja ove naknade nadležna Agencija za vodno područja može dogovoriti (posebnim ugovorom) sa javnim komunalnim preduzećem – operatorom vodovodnog sistema.
4. Nadležna Agencija za vodno područje će javnom komunalnom preduzeću – operatoru kanalizacionog sistema, na njegov zahtjev, dostaviti popis pravnih i fizičkih lica koji su priključeni na kanalizacioni sistem, a koji su direktni obveznici plaćanja posebne vodne naknade za zaštitu voda za ispuštanje otpadnih voda (pravna i fizička lica koja podliježu obavezi pribavljanja okolinske dozvole i za koje obveznik plaćanja ove naknade nije javno komunalno preduzeće – operator kanalizacionog sistema). Primjenom takče 4. ove instrukcije isključiće se mogućnost dvostrukog obračunavanja i plaćanja ove naknade.

5. Za obračunavanje količine zagađenja za djelatnosti koje nisu obuhvaćene tačkom 34. i obrascem "IV" Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada primjenjuje se koeficijent zagađenja 0,02.

MINISTAR

mr.sci. Damir Ljubić

Dostavljeno:

- naslovu,
- "AVP Sava",
- "AVP Jadransko more",
- Federalna uprava za inspekcijske poslove (vodna inspekcija),
- Federalno ministarstvo finansija/financija,
- Kantonalna ministarstva nadležna za vode,
- Sektor za vodoprivredu i
- a/a